

Stiftung  
zu Bütel-  
spach.

In die  
Stadt  
Stoßgar-  
ten verlegt

gen Stogkart in die stat. Vnd warent zu Bütelspach in dem stift nit mer person dann ain Probst sechs Korherzen vnd auch sechs Vicari. Zu denselben macht vnd ordiniert der obgenant herz noch sechs Korherzen vnd sechs Vicari vnd das ain Probst solt haben zwen gesellen vnd helffer die das volck versehen mit den sacramenten. Also das zu ewigen zeitten sibem undzwainzig person sollen sein in dem stift on ander kapelon vnd frümesser die auch pfrümbd haben in dem stift. Also kamen die herzen des stifts zu Bütelspach gen Stoßgarten vnd ward dieser stift erhaben vnd bestetiget auff sant Johannis Paptisten tag in dem iar nach der geburt cristi als man zalt M. ccc. vnd xxviii. iar nach dem als dieser Stift erhebt ward. In dem iii. iar starb der obgenannt herz Eberhart Graff zu Wirtenberg. Stifter des Stiffs zu Stoßgarten an sant Bonifacius tag do man zalt von Cristi geburt M. ccc. vnd xxv. iar.

A. C. 1314.  
Zween  
Kaiser.  
Herzog  
Friderich  
von öster-  
reich und  
Herzog  
Ludwig  
von Bairn.

Herzog  
Friderich  
von leußen  
gefressen.

Do man zalt von Cristus geburt Mccc. vnd xiiij. iar. Do erwelten ain tail der kurfürsten herzog Friderich von österreich. vnd der ander tail herzog Ludwig von Bairn. Yetweder tail het ain tail der Fürsten vnd Reichstet an ym. Vnd do sie etwe vil zeit mit einander kriegten do kamen sie zusamen an sant Michels abent. vnd stritent mit einander. do gewan Herzog Ludwig von Bairn den sig. vnd fieng Herzog Friderich seinen ohem. Vnd darnach vber dreü iar do lediget yn sein freund. Er swur vnd verbrieft sich wider künig Ludwigen nymermer zu thun. Aber er brach das alles. vnd schrib sich aber ainen römischen kaiser. Darnach nit lang do frassen yn die leuß. Derselb künig Ludwig regieret. yn kund aber niemand darzu bringen das er sich dem Pabst erzogte vnd beweiset das er recht erwelt vnd darzu kumen wär. als das gewonlich ist. Davon kam vil vbel. Pabst Johannes hielt do sein hoff zu Amen. wann die Römer hetent feintschafft zu ym. Der künig fur gen rom vnd ließ sich do on gunst des Pabsts ain einfeltigen Pischoff zu kaiser krönen. des hulffen